



Brenda Fassie, Muimbi wa
Bvumo wa Afrika wa Muzika wa
Pop

Sara Mohale
Khanyisa Masebola



Nga la 3 Lara 1964, lokishini la Langa, ngei Cape Town, ho bebwa muimbi wa bvumo. O vha a tshi pfi Brenda Nokuzola Fassie.

O vha a tshi vhidzwa nga dzina la miswaswo la 'MaBrrr' nga vhatevheli vhawe vha dzimilioni.

O vha a tshi bva mutani wa vhashai. Mme awe vho vha vhe mukunakisi, ngeno khotsi awe vho lovha e na minwaha mivhili fhedzi.



Brenda o vha e lupedzi lwa vhana vha ṭahe. Mme awe vho humbula uri vha ḡo wana ṅwana wa mutukana.


Musi Brenda a tshi bebwa, vho vha vho tea u humbula nga u ṭavhanya dzina ḽa ṅwana wa musidzana.

Sa muimbi, mme a Brenda vho nanga u rina ṅwana wavho dzina ḽa Brenda Lee ane a vha muimbi wa Muamerika.



Musi e na miñwaha miña, Brenda o vha a tshi imba maguvhanganoni a kereke. Mme awe vho vha vha tshi lidza piano nahone Brenda a imba.

Musi e na miñwaha ya rathi, Brenda o vha a tshi vho imba na tshigwada tshi vhidzwaho 'Tiny Tots,' a tshi imba na u badelwa nga vhaendelamashango.



Musi e miñwahani ya vhufumi, ho vha hu tshi bvuma ene fhedzi kha vhaimbi vha Cape Town.

Mubveledzi wa bvumo wa muzika, Koloji Lebona o ya a mu dalela. O vha o funesa ipfi ɔawe ɔavhuɔi.


Nga murahu Brenda a pfulutshela Johannesburg, nahone nga u ɔavhanya a thoma tshigwada, 'Brenda and the Big Dudes.'



Tshenetsho tshigwada tsho bvisa luimbo lwe lwa rengiwa vhukuma fhanu Afrika Tshipembe, 'Weekend Special'.


Vhatevheli vhawe shangoni lothe, vharema na vhatshena, vhatuku na vhahulwane, vho vhonwa vha tshi khou lu dzhaivela.

Lwonolwo luimbo lwo vha lu tshi takalelwa nga vhathu vhanzhi, zwhuluhulu u bva nga Lavhutanu u swika nga Swondaha!



Nga 1998, Brenda o shumisana na Chicco Twala ane a vha mubvedzi wa muzika. Vho bvedza rekhodo dze dza rengisa kopi dza zwigidigidi. Dziñwe dza rekhodo dze dza rengiseswa ndi 'Too late for Mama,' 'Memeza', na 'Nomakanjani.'


U bvelela hawe zwo ita uri a wane zwiphuga fhanu Afrika Tshipembe na seli ha malwanzhe. Zwino Ma Brr o vha o no bvuma u mona na shango lothe!



Fhano Afrika tshipembe, Brenda o vha o bvuma lwe ha vha hu si na munyanya une khawo ha si lidzwe naho hu luimbo luthihi fhedzi lwawe.


‘Vulindlela’ lwo vha lu tshi lidzwa minyanyani ya mbingano.

‘Ag shame lovey’, lwo vha lu tshi funeswa nga vhana vhane vha edzisa kutshinele kwawe na maitele awe.



Vhatevheli vha Brenda vho vha vha tshi vhidzelela dzina lawe dzikhonsathini musi vho lindela uri a dzhene tshiteidzhini.

Musi a tshi imba, vhatevheli vho vha vha tshi imba nae na u lila nga tshifhinga tshithihi. U pfa ipfi lawe zwo vha ita uri vha sukumedze vhalindi vha tshi tama fhedzi u mu fara!



Nga 1990, MaBrrr o t̃honifha Vho-Nelson Mandela nga u vha imbela luimbo lwa bvumo 'Black President.'

Vho vha vha tshee vho valelwa dzhele nahone nga murahu muvhuso wa tshiṭalula wa thivhela u lidzwa ha lwonolwo luimbo.

Zwenezwi zwo ita uri a imbe nga Tshizulu, Tshithosa na Tshisuthu. Zwenezwo zwa ita uri vhatu vha mu funese.



Naho Brenda o khunyeledza mułoro wawe wa u vha muimbi wa bvumo wa *pop*, o lovha a tshee muțuku, e na miñwaha ya 39, nga ıa 9 Shundunthule, 2004.

Ło vha đuvha ıı tungufhadzaho vhukuma fhana Afrika Tshipembe. Vhathu vho tshuswa nga mafhungo a u lovha hawe. Vhanzhi vho lilela u lovha ha hoyu muimbimakone.

O sia murwa wawe, Bongani.



Nga murahu ha lufu lwawe, gogo la vhatevheli vhawe lo gidimela mavhengeleni u renga muzika wawe.

Vhatevheli vho vha vha tshi tenda uri muzika wawe u nga si tsha wanala.

Zwi vhonele u nga khamphani yo rengisa zwigidi na zwigidi zwa alibamu dzawe.



Ngei Newtown, Johannesburg, hu na tshifanyiso tsha koporo tsha Brenda tsho vhaḡiwaho. Tsho vhaḡelwa u mu ḡhonifha.

Tsini na tshifanyiso hu na tshidulo tshine vhatu vha nga dzula khatsho, uri vha ḡwe na Muimbi wa Bvumo wa Afurika wa Muzika wa *Pop*.



Brenda o vha e muimbi wa bvumo wa muzika ane a sa ḡo hangwiwa.

Ndi muṅwe wa vhaimbi vhahulwane vha Afurika Tshipembe vha muzika wa *pop* nahone o ṡuṡuwedza vhaimbi vhanzhi.

Zwino, mirafho miswa i khou tumbula nyimbo dze dza vha dzi tshi ita uri vhatu vhoṡhe vha ṡoṡe u tshina.

—Mbudziso

1. Brenda o bebelwa ngafhi?
2. Ni humbula uri ndi ngani vho vhidza tshigwada 'Tiny Tots'?
3. Muzika wa Brenda wo vha u tshi ita uri vhatevheli vhawe vha dipfe hani? Tsalutshedzani phindulo yaṅu.
4. Muvhuso wa tshiṭalula wo vha u mini? Wanani zwo engedzeaho.
5. Olani nahone ni ṅwale tshipiḁa tshine na tshi funesa tsha nganea.

Heyi bugu ya nganea yo sikwa na u nwalwa nga Lupedi sa tshipiḁa tsha phurodzhekthe ya matheriaḁa dza u vhala ya Zenex Ulwazi Lwethu ya 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



Room to Read®
World Change Starts with Educated Children®

Your attribution should include the following:

Title: Brenda Fassie, Muimbi wa Bvumo wa Afrika wa Muzika wa Pop

Author/s: Sara Mohale

Translator/s: Doris Manyamalala

Illustrator/s: Khanyisa Masemola


Assurer/s: Tshedza Tlhako

Language: Tshivenda



© Zenex Foundation - Saide 2023

CC BY includes the following elements:

BY  - Credit must be given to the creator

